




BIBLIOTHECA
UNIV. JAGELL.
CRACOVIEŃSKA

kat.komp.

585206

Mag. St. Dr.

I



Historia urbium in Germania

Leoris (Loewenberg) in Silesia.

Fechneri Joh: Leoris inulta Chariss.
morum Victorini genitrix.

Wratelawae. 1653.





585206

I Mag. St. Dr.

Geogr. 957.

30. IV. 194.





479

LEORIS,
Inclyta Clarissimorum
Virorum Genitrix,
Mnemosyne dictante
descripta
à
M. Johanne Fechnero.

Wratislavia, Typis Baumann. exprimebat
Gottfried Gründer.
Anno Christiano M. DC. LIII,

NOBILI, CLARISSIMO ET CONSULTISSIMO
VIRO, DOMINO

CHRYSOSTOMO Schulz
LEORINO JC.

NOBILISSIMIS ET AMPLISSIMIS DOMINIS
SCABINIS REIPUBL. WRATISLAV:
A SECRETIS,

AFFINI ET FAUTORI SUO ENIXISSIME
COLENDO

HOC FAME LEORINÆ
MONUMENTUM,

IN ARA

MEMORIÆ ET HONORIS,
Offert & Consecrat

bibl. Jag.

M. JOHANNES FECHNERUS,
Freistad. Sil. P. C. L. Gymnasii
VVratisl. Magdal. Conrector.



*Am quid Pyramidum ductas ad Sidera
moles*

*Factitat infami sistro perculsa Canopi
Turba? Quid ostentat multum vigilata
Myroni*

*Signa Ducum in laudem propriam diffusior aequo
Græcia: Si Cronii rodit Dens acer ahenos
Miltiadas, si saxa ruit vis improba Clothus?
Ecce Sepulcra sepulta jacent, Monumentaq; Lagi,
Quæ nutante cono pulsabant Limen Olympi,
Sub Tumulo recubant tumulata. Tropæa Cononum
Ardua Fors petulans obtrivvit calce feroci.
Tam celsum nil est, quod non sua Fata supinent.
Vah! quas non evertit opes furialis Enyo!
Majorum quæcunq; manus struxere, Nepotum
Destruxere manus. Hostile impresit aratrum
Pergameis Græcus muris: sed sulphure cocta
Mœnia prostravit succinctus Acinace Perses.
Quod Puer ante DEum prædixerat Hannibal aras,
In Cineris formam dudum Cartago redacta est:
Nec cladem potuit victrix depellere Roma.
Scilicet hanc statuit fatalis Diphthera Legem
Humanis rebus: Nil esto sub axe perenne.*

*Sed Romanorum, magnum & memorabile Nomen
Ætas longa nequit Lethe mersare profundâ.
Vives, Roma vetus, nullo debilis ævo;
Vives, donec erunt Musæ monumenta Latina.
Mars Te victricem victor munivit: At idem
Victus non valuit victæ fulcire ruinam.
Sola, Palatinus quæ consecravit Apollo,
Scripta tibi vitam ventura in secla propagant.
Tanti est Varrones doctosq; dedisse Quirites,
Qui Patriam studeant Famæ transcribere templis.
Ecquiscultrices Studiorum nosset Athenas,
Ni produxissent ovo felice Platonas
Magnos? Socraticis debet Tritonia Pallas
Omne decus cartis. Stagiram clarat inertem
Summus Aristoteles. Hoc Cive beata Philippos
Provocat & Pellam nato sibi Rege celebrem.
Plus unum generasse Sophum, quam mille Tyrannos
Bellorumq; faces Orbi peperisse domando.
Tantum non Urbi confert trabeata Potestas,
Indigenæ quantum Sapientia nota Biantis.
Hanc Patriæ nequeunt concludere mœnia: Prodit,
Prodit ad externos Sapientum Fama; nec hostes
Instantes horret, nec dira incendia. Solo
Vivitur Ingenio, pereant si cætera? In illud
Nil juris Summanus habet, nil Atropos atrox.
O faustas Urbes! O rerq; quaterq; beata
Oppida, proclivis quibus indulgentia cœli
Cives donavit Genii Ingeniq; potentes!*

Ergo

Ergonosce tuas Sortes fecunda Virorum
 Magnorum quondam Genitrix, Leoberga. Tonantis
 Supra Fortunæ caput effer fulmina. Cælo
 Te dudum adseruit Natorum Fama tuorum.
 Præ reliquis Slesie Nymphis te Phæbus amavit.
 Ex quâ tot Pullos Musarum sustulit una:
 Quorum si numerum contendat inire Thalia,
 Promptius expediat, quot apes vernantis Hymetti
 Depopulentur opes, quod germina proferat Hybla.

Munera plura quidem tibi large-prodiga rerum
 In gremium Natura Parens congescit amœnum.
 En circumfusi te cingunt undiq; Montes,
 Montes, quos Pomona frequens, quos Elvia prægnans
 Certatim latis & fetis dotibus opplent.
 Prata quid enarrem pulchrè porrecta per æquor
 Irriguum vallis, geminam quâ prospicis Arcton
 Eoumq; latus? Certè Peneia Tempe
 Invideant his delicias: Sic illa locuples
 Chloris ditavit late-Regina per oras
 Istas. Elysi sunt hic (nil fingimus,) Agri.
 Hic torus est Veneris, quem circum Gratia Triplex
 Cum Nymphis agitatur nunquam defessa Choreas.
 At Satyri: procul amoti turbare verentur
 Orgia casta Pales placida Leorinaq; regna,
 Fixit ubi sedem non discesura Voluptas.
 Hinc turget fecunda Nape, quam rore salubri
 Bobera proclivis perfundit, Bobera doctæ
 Hebrus Silesie, quem clarat plurimus Orpheus.

Adspice quam lento pede rura pererret amica,
Quam lepidè dubii longâ ambitione meatus
Mæandrum simulet! Portendit brachia flexa
Longius, ut Nymphas faciles complexibus artis
Stringat, quas gremio molli dimittere nescit.
Parte aliâ latus Urbis obitq; subitq; GeorgI
Rivus aquæ largus, sordes ut diluat omnes.
Hoc duce non trepidant deserto rure vacivo
Naiades medias Urbis lustrare plateas,
Et penetrare domos Laribus colludere lautis,
Virgineasq; labris lymphas displodere sueta.

Quis verò valeat dignâ celebrare Camenâ
Ornamenta, suis quæ mœnibus inclyta quondam
Occlusit Leoris, Slesia speciosa corona,
Lusatios quâ spectat agros Solemq; cadentem.
Ædes Vitruviâ constructas arte decenter,
Dispositasq; pari serie rectâq; per ampli
Quadræ plana fori, moles operosa sacrorum
Templorum, lati domicilia culta Lycei,
Quattuor excelsis, quæ comunt nubila, turres
Verticibus, duplicis pinnacula saxeæ muri,
Pluriam cæmentis, quæ rupis costa propinquæ
Præbuit, quadris operum molimina structa
Externi stupuere viri, stupuere Magistri
Arces magnificas exædificare periti.
Hæc monumenta sibi statuit Leorina Vetustas,
Sed non ad seros perduratura Nepotes.
Nam quæ nunc facies Urbis? Quæ scilicet Urbis

Est versa. Fædis heu ! deformata ruinis
 Perdidit omne decus. Lati pars maxima muri
 Diruta, Musarum sedes vastata verenda,
 Dis-que-sipata jacent domuum fastigia passim.
 Funus ubiq; vides : Jam pridem iuere coloni
 Exequias Patriæ. Ferali carmine Bubo
 Funestos ululat lesus, Lemuresq; Penates
 Desertos habitant. Vix una vel altera restat
 Ædes, vix Turres tantæ vestigia cladis.
 Prisca suburbano decesfit Gratia rure;
 Decesfit vernans cæsis Pomona pyretis.

Sed quamvis hinc Pestis atrox te civibus haustis,
 Inde gravis Mavors mactârit strage frequenti:
 Non tamen absumpta est culti tibi Gloria Civis.
 Surge age, surge iterum, Leoberga, è pulvere, surge;
 Nec tibi congeries saxorum strata dolores
 Proliciant tantos : Restant Monumenta vetusti,
 Quæ nulla annorum series abolebit, Honoris.
 Omnia pesumerint ; salva est tibi Fama tuorum,
 Salva est adsiduûm. Manes gaudete sepulti
 Majorum, si quid sentitis sub scrobe denso.
 Vos digni, quorum Cineres Amarantus inumbret
 Æternus, quorum præcingat Laureæ Tumbas.
 Vos vobis Nomen peperistis in Orbe perrenne
 Clarâ Progenie, cujus victura Monetæ
 Excelsis suspensa tholis Anathemata fulgent.
 Condidit hanc Urbem (retulit velut alta vetustas)
 Natio fossorum pubesq; metallica, cacas

Terræ

Terræ dum vestigat opes sub monte cavato,
Auri dum ramenta legit diluta Georgi
Rivo, qui Pactolus erat dum Silesios Ora.
Sed mox monstretas Plutus subtrahit avarus
Divitias: vacuis horrescit Zechia fossis
Sylva: Quibus lotum dedit aurum nomina quondam,
Nil præter vocis retinent vestigia, Pagi.
Post exauxit opes Urbis solertia felix
Pannificum, qui Mercurio sua texta secundo
In Terras misere alias, quæstusq; feraci
Complêrunt loculos. Sed ubi nunc Urbis opimæ
Tam populosa tribus? Dudum dilapsa reliquit
Desertas sedes. Has Civibus improba Clotho
Invidit Sortes, & nigro pollice rupit
Tramas cum subtemine,
Pannifices & pannosos exegit ab Urbe,
Acres claudicat & cadit hinc Leorina.

Verum quod potior contexuit Ornamentum
Pallas, non audent fatales rumpere Parca.
Artibus hæc, Leoberga, tuos instruxit Alumnos
Nobilibus, quæis perpetuis spectabile seclis
Aulæis Superum possent intexere Nomen.
Tot non Heroas bellatrix Græcia misit
Contra Trojugenas, tot non Urbs alta Quirini
Vidit Victores Capitolia scandere sacrâ
Conspicuos Lauru; Leoris quot protulit una
Omnigenâ mactos Studiorum Laude Nepotes,
Qui Patriæ ingremium plures retulere Coronas.

Horum

Horum dum nuper studiosâ mente Tropæa,
 Et Clîus Leorineæ tot Nomina volvo,
 Multa super Suevo meditans, super agmine multa,
 Tanti quod mecum pendebat ab ore Magistri;
 En! subito mihi Mnemosyne veneranda bonarum
 Pieridum Genitrix apparet fronte serenâ
 Jucundum splendens. Humanâ major Imago
 Visa Deæ: Superis Majestas digna micabat
 Ex acri vultu: Canos Diadema novenis
 Prælustre Stellis & Lauri fronde premebat.
 Ast niveas vestes inscriptus Nomina clara
 Heroum Peplus multo decorabat Honore.
 Nec tacuit celestis Anus, sed voce benignâ
 Stans ex adverso sic est affata parventem.

Quid verò trepidas? Musarum siccine Mater
 Hactenus est ignota tibi? Pone ocius omnem
 Corde metum. Non advenio terrere, docere
 Advenio. Quid agas rerum, novi, ô bone, novi!
 Scilicet indagas studioq; fideq; tenaci
 Doctorum eximios consummatosq; Virorum,
 Mundo quos olim peperit Leoberga Genitrix.
 Euge bonum factum! Non hoc sine Numine nostro
 Captas. Et quoniam penito tibi pectore cura
 Hæc sedet, in Partem pulcros relevabo labores,
 Et dictabo lubens memori signata Libello,
 Noscere quæ gestis. Bipatens exprome Pugillar
 Ilicet & Graphium, Dictataq; nostra caspese.
 Unde tamen capti procedet Carminis Ordo?

B

Quem

Quem primum celebrare Virum mihi sumo? Tot inter
Nomina, supremâ quodnam statione locandum?
Hæreo; suspensam sic copia tanta Virorum
Distinet & pariles attollens Gloria palmas.

Sed quoniam mihi narranti delectus habendus,
Primâ fronte Sophos statuam, qui Pallade dextrâ
Formarunt Adolescentis vaga pectora Cætus.
O quantum hisce Viris Respublica candida Pindi,
O quantum Christi florens Ecclesia debet!
Quid Consulta Themis, quid sospes Hygea valeret,
Utrâq; ni succincta foret sapientis Athenæ
Artibus. Has verò curâ solerte propagant,
Os rude qui pubis fingunt moresq;, Magistri.

Quos inter tu semper habes memorabile Nomen,
(a) Sueve, Silesiacæ Moderator summe Juventa. v. Inf.
Elenchū.
Alter tu Fabius consummatusq;, Prometheus
Mentis formandæ, tu strenuus Optio Phœbi
Pythia per patrias induxisti Orgia Valles,
Musarumq; Choros. Te Directore Lyceum
Auctu succrevit tanto, ut certare cuius
Gymnasio posset Studii ferventis agone.
Quam vix cepisset moles cuneata Theatri,
Densa cohors Juvenum te circumfusa docentem
Sedit, quos variis Regionum exciverat oris
Doctrinæ nova Fama tuæ celebrataq; Pitho.
Venerunt Leorin diversæ sortis alumni,
Slesia quos tulerat Mater, quos Lusatis ora:
Venerunt omnes te Præceptore doceri

Ingenuas Artes. Ex his pars plurima restat,
 Vel Titulis propriis, vel avito Stemmata clara,
 Quæ Leorinæ multo cum fanore Cyrrhæ
 In commune bonum certat depromere fruges
 Et non te Manesq; tuos matremus honore
 Asfiduo? Certè Phæbo tu dignus haberis,
 Incujus Tumbâ plantet Daphnona perennem:
 Ante tuos quem jam meruit Laurentius (b) ortus,
 Gorlicæ Sator ille Scholæ, Stator ille bonarum
 Disciplinarum: quem Lusata terra celebrat
 Omnia Fridlando similem magnoq; Philippo,
 A quo Doctores agmen juvenale docendi
 Et normam & formam methodo didicere magistrâ.
 Hi sunt Polluces, Clario qui Lumine noctem
 Discussere gravem, quam doctæ offuderat Ascræ
 Horrida Barbaries; multâ qui Luce Lyceæ
 Complêrunt, sacram tollentes Lampada Clivus.

Testis non una est nobis Academia plures,
 Quam pullos unquam produxit turba Castri
 Candida, prognatos Leorino semine Cives
 Doctoris Sophici Titulum retulisse supremum.
 Tu pro mercedes, Pallas Philyreæ, catervam
 Ingentem lectam Leorinâe Gente sacrumq;
 Aptam Stemma Sophi, te decernente, Magistri.

Horum (c) Gerstmanus procedit in agmine primo,
 Qui decus id meruere, Caput mox ipse Senatus
 Clarum Palladii. Sophiæ pars cætera Palmâ
 Victrici contenta parum potiora Brabæa,

Alta supergrediens Pindi Laureta, recepit.

Nunc pergo Jenam: Reusneris illa duobus
Claratur, gemino ceu Castore lucidus Æther.
Quis non (d) Nicoleon novit prænobile Germen
Et decus egregiæ Stirpis, cui Phæbus & omnis
Assurgit Phæbi cætus, quem Cæsaris Aula
Allegit Comitem? Licet is interprete Suadâ
Jus enodaret; tamen inclinavit honorum
Ad Laurum caput Aoniam famamq; Poëtæ,
Oscen Musæus, quo Slesia culta triumphat
Vate, poetigenis nil cedens Slesia Cattis,
Nil cedens Francis. Ejusdem Gentis (e) Eliam
Quis nescit, quo non alius dissolvere nodos
Historicos melior, Chronio qui vixit & almis
Pieridum Studiis, hinc magnum Nomen adeptus.

Sed quæ te laudet satis Arconate (f) Camena?
Carmina tu summo cecinisti digna Marone,
Quæ si conjunctim libuisset prodere, palmam
Lotichio dubiam faceret censura. Secundo
Ne fortasse fores prior, obstitit ater iniqui
Livoris tibi dens, & iners socordia secl.

Hæc quoq; Neukirchum, (g) prescit, qui clarus arvoris
Tempore Brusiaci celebravit Oreada Pindi,
Quem coluit, Vatis consors geminusq; Sabini.
Nimirum melius Leorinæ Gloria Famæ
Ivit consultum. Musæ levioris alumnos
Concedens aliis Leoris non invida, & istâ
Promere laureolam spernens promulside, Ptolem

Alinus

915
*Altius evectam & potioris Apollinis arte
Instructam misit Mundi in commune Theatrum.*

*Ergo desertis Aganippes vallibus Ædem
Augustam lustremus Hyges, quæ sospite Curâ
Ægros restituit properantia Fata morari,
Et vim feralis Libitinæ frangere gnara.
Hic demum numerare licet longo ordine Celsos
Auratâ dignos statuâ quercuq; virenti,
Ob tot servatos Cives summosq; Dynastas.*

*Adspice (h) Wirthiadum prognatos Gente Georgos
Tergeminos. Primus Ludovici Regis in Aulâ
Floruit Hungaricâ. Generosa Vienna secundum
Morte citâ raptum ploravit. Tertius ingens
Indeptus Nomen coluit te, Carole Caesar,
Teq; Philippe, Patris tanti memorabilis Hæres :
Pæonias iridem vobis qui cultus ob artes.*

*Hos sequitur longo memorandus carminis orsis
Ille Palatini Montis ter maximus Hermes
Langius (i) & Scriptis docto notissimus Orbi;
Quem tot producti Rhenanâ Stirpe Dynastæ
Custodem vitæ sibi delegere tuendæ.
At quid opus laudare Virum, quem publica Phœbè
Lativio dudum commendat Epistola Mundo?
Proximus est illi meritis illustribus, Aulæ (k)
Nomen cui felix non fallax contulit omen.
Hunc Brenni veteris magni sensere Nepotes
Chironem fidum, Vetus & Nova Marchia sensit.
Laus magna in Procerum Medicos peperisse Salutem;*

*Nec minus in Populi Medicos peperisse Salutem
Laus magna est: Leoberga decens sed utrâq; triumphat
Candidulis Famâ tendens ad sidera mannis.*

*Quæ Regio, quæ pars usquam Germanidos ora,
In quam non Pullos amiserit illa Galeni?*

*Lipsia Gittlerum (l) commendat Hygea benigna
Artis Doctorum Directoremq; benignum.*

*Hæc quoq; Zeidlerum (m) meritâ decoravit Olivâ
Obstudium Coi sacrum fidumq; Magistri.*

*Antiquum Martis-Pygum, quâ Misnia fines
Saxonicos spectat, Bejerum (n) prædicat unum.*

*Suevica certatim Nordlinga & Lusata Sitta
Reusneros (o) tollunt præclaros Arte Melampi:*

*Usq; adeò tradux Reisneri Germinis Orbis
Diversas Urbes complevit fruge salubri.*

*Hos præter memor ipsa sui Leoberga Medentum
Eximios sibi progenuit terrâq; propinqua.*

*Fovit prælustrem Medicum Melicumq; (p) Koberum,
Fovit Langiadem (q) cui fasces Consulis ægra*

*Patria commisit dirâ impendente ruinâ.
Scilicet à Medico sperabat pressa Salutem.*

*Fovit & Ecciadem, (r) cui solers Cura Fidesq;
Perpetuum peperit Nomen, cum pestilis Urbem*

*Tempestas rueret. Non illo charior alter
Sennerto fuit ingenti: Sic acre probabat*

*Ingenium Studiumq; Viri Germanicus iste
Hippocrates Mediciq; Chori venerandus Apollo.*

Nomen grata tuum, Stiglizi (s) fide Machaon

Lusatia

Lusatia memori cantabit carmine Lauba.
Nec Lubena tuum, Lux splendidioris Hygeæ
Gleisbergere (t) tacere potest. Hoc nempe merentur
Post sua fata decus Medici, quos Lacteus Orbis
Excipit emeritos, & Cœli parte serenâ
Ponit, Chironis fulgens quâ promicat Arcus.
Nunc Cœlum famæ lustrabimus altius istud.
Virginis hic mitis Signum radiatile frontem
Attollit sacrâ dispensans Fura Bitance.
O quot ibi fulgent stellato Nomina Peplo,
Quæ veneranda Diceclaro transcripsit Olympo!
Hic splendet puro Reimanni (u) Gloria vultu:
Illic Hortensius (x) florescit virvida Chloris.
Latius extendit Lumen per utrumq; polorum
Wirthiadum Sidus geminum, (y) quod Lipsica quondam
Pulpita magnifico complevit Lucis honore.
Adspice Reusneros (z) iterumq; iteramq; canendos,
Quorum Pars Patriam re consilioq; salubri
Ornavit, pars externas dispersit in Oras
Ingenii radios: Inter quos eminet almæ
Leucoridos Consus Phœbeæ lampadis instar.
Adspice Schultziaden (a) Albano è Monte corusca
Atria per Famæ fundentem Lumen honorum.
Quis quantusq; Virum tibi Prinzius (b) iste videtur.
Cæsaris Orator, Suadelæ Gloria princeps?
Quis quantus Virum tibi Saurius (x) ille videtur,
Bresla Johanneâ quem vidit in Æde Senatum
Condecorasse sacrum: cuius pars ampla fuisti

Tu quoq³ Wirthiadum, Petre (δ) sanguine profate priſco.
 Jam Neugefindl (ε) poſſem monſtrare Salinis
 Gratum Saxoniciſ Lumen, producere poſſem
 Schepſiaden, (ζ) Generi qui contulit Ornamentum
 Grande ſuo, poſſem Saidos proferre Camilloſ;
 Suevum, Reinhardum, Zeidleros (η) Hoppiadenq³; (θ)
 Ottmannæ Gentis (ι) Proavos exponere poſſem,
 Poſſem alioſ: (κ) ſed nil opus eſt accendere Soli
 Lumen. Quæ canimus dudum ſunt cognita Mundo.

Nunc ſummam tandem ſacer Ordo Coronida claudat.
 Ecce Sionei felicia Germina Saltus,
 Heidenreichiades (λ) Fratres, qui frugis opima
 Stirpes in Chriſti plantarunt gnarviter Agro.
 Primus in Elyſio quæ Vratiſlavia ſepto
 Floret, Chriſtiadum vernante propagine Gentem
 Auxit; Brunoniſ progreſſus in arva Secundus
 Marchiacasq³ plagas Doctrinæ fertile germen
 Produxit. Sed tu Codani, venerande Colete, (μ)
 Æquoris haut ſterili verſaſti littus aratro.
 Nec labor in Domino, Seileri, (ν) veſter inaniſ
 Exiit in Patriâ, ſed fructum protulit amplum.
 Prætereo reliquos Cæloq³ Deoq³ probatoſ
 Paſtores Gregiſ electi Chriſtiq³ Miniſtroſ. (ξ)
 Prætereo reliquos Doctrinæ nomine claroſ;
 Seu fuerint Scholicis operati ritè Cameniſ,
 Seu potioriſ Hygæ ſtudiis Themidoſq³ ſacrati,
 Quoſ ego per Satyram ſi ſaltim dicere vellem,
 Surgeret Hiſtoriæ milleſima pagina nobiſ.

Fortunati omnes, dicti inditig, serenis
In Famæ templis quovis fulgebitis ævo.

At neq, sic vestra Stirps ab radice revulsa est,
Surculus ut nullus, Suboles ut nulla supersit.
Vivit Progenies Suevorum Germine bino, (o)
Leucoris & Magni quo Saxonis Aula potitur.
Vivit Schultziadum productus Stemmata Ramus
Aureus (π) & Breslam fecunda fronde coronat.
Vivit ibi Pullus Gleisbergius (e) acer Hygeæ.
Vivit Stiglitius (σ) Gedani, Podalirius alter.
Vivit sub Philyræ florentis tegmine læto
Hoppius (τ) ÆsclopI clarâ clarissimus Arte.
Vivunt & plures Leorinæ Gentis alumni, (υ)
Qui per Majorum scandunt anabathra Moneta
Ædes in celsas, hæredes laudis ævitæ.

Salvete, illustres Animi, quos vel capit æther
Magnis defunctos meritis, vel detinet Orbis
Inferior, gremioq, timet dimittere charo;
Salvete & memoris Musæ macti este Brabeo.

Salve summorum Genitrix Leoberga Virorum,
Mnemosynesq, tuæ laude esto macta perenni.
Donec Castalidum Studiis sua gloria stabit,
Semper honos nomenq, tuum laudesq, manebunt.

C Elen-

Elenchus

Clarissimorum Virorum, qui Leobergårti & Superius memorati sunt.

Philosophi & Poetæ celebrior.

- (a) M. Casparus Sævus Scholæ Leor. Rector & Instaurator.
 - (b) M. Laurentius Ludovicus Gymnasii Gorlicens. Rector.
 - (c) M. Nicolaus Gerstmannus Facult. Philosoph. in Academ. Lipsiensi Decanus.
- Ejusdem Facult. Matricula nominat plures ex Leorinis Familiis, Reusneris, Wirthiis, aliis Magistros & Baccal. Primo Acad. illius seculo creatos.*
- (d) Nicolaus Reusnerus Ict. P. L. Com. Palat. Caesar. in Argent. & Jenen. Acad. Antecessor.
 - (e) Elias Reusnerus Med. Lic. Hist. & Poet. in Acad. Jen. Profes.
 - (f) Hieronymus Arconatus Poeta, Sacr. Cæs. Majest. ab Ep. Bellicis.
 - (g) Valentinus Neukirch Poet. in Acad. Regiomont.

Medici.

- (h) Georgius Wirth. I. Med. D. Ludovici Regis Hungar. Archiater. Georg. Wirth. II. Med. D. Pract. Vienna. Georgius Wirth. III. Med. D. Caroli V. Imperat. & Philippi Hispan. Regis Medicus.
- (i) Johannes Langius Med. D. IV. Com. & Elect. Palatin. Archiater, Autor Epist. Medicinal.
- (k) Caspar Hoffmannus M. D. Elector. Brandenb. Archiater.
- (l) Balthasar Giltnerus Med. D. & Prof. in Acad. Lips.
- (m) Johannes Zeidlerus Med. Doct. & Prof. ibid.
- (n) Georgius Bejerus Med. Doct. Duc. Sax. Archiater & Physicus Martisburg.
- (o) Hieronymus Reusnerus Med. D. Phys. Imperial. Nordlinga. Bartholomæus Reusnerus Med. & Physicus Zittavien. Pater Bartholomæi Reusneri Icti & Ordin. Witteberg.
- (p) Tobias Koberus Med. D. P. L. Physicus Patria.

(q) Bern.

(q) Bernhardus Langius Med. Doct. Physic. & Consul Patria.

(r) Melchior Eccius Med. D. Physicus Patria.

(s) Johannes Stiglitz M. D. Physicus Leor. & Lauban.

(t) Martinus Gleisberger M. D. Physicus Lubenen.

Jurisconsulti.

(u) Johannes Reimannus J. U. D. Ducc. Ligio-Bregens. Cancellar. & Consiliar.

(x) Vincentius Hortensius Episcopi Wratislav. Cancellar.

(y) Michael Wirth. Senior J. U. D. Facult. Jurid. in Acad. Lips. Ordinar. & Consiliarius Elector. Sax. &c.

Michael Wirth. Junior J. U. D. & Prof. Consist. & Curiae supremae Elect. Adsesor ibid. &c.

(z) Franciscus Reusnerus. J. U. D. Canonicus Wratislaviens.

Jeremias Reusnerus J. U. D. Facult. Jurid. in Acad. Witteberg. Ordinarius & Senior &c.

(a) Georgius Schultz J. U. D. Comit. Barbiens. in Sax. Cancellar. & Facult. Jurid. Witteberg. Adsesor.

(b) Daniel Printz Orator & Legat. Caesaris.

(c) Stanislaus Saurius D. Canon. Wratislav.

(d) Petrus Wirth D. Canon. Wratisl.

(e) Johann. Neugefind JC. in Salin. Saxon.

(f) Salomon Scheps J. U. D. Consiliar. Cesar.

(n) M. Caspar Suevus, Caspar Reinhard. M. Michael Zeidlerus, Syndici Patria.

(h) Bartholomaeus Hoppius J. U. D.

(i) Ottmannica Leorinor. antiquiss. Familiae ortum debet Francisco Hotomannus Ictus Nobil. tradente Suevo in Mnemosyne Leorina.

(u) Familiae plures Clarissime Leoberga orta sunt, quas omnes memorare non valemus.

Theologi.

(A) Esaias Heidenreich SS. Theol. D. Pastor Wratislav. Elisabeth. Johannes Heidenreich. S. Theol. D. Superinten. Brunsvicens. necnon in Helmstad. & Francofurt. Acad. Prof.

Horum

Horum Pater fuit M. Laurentius Heidenreich Eccles. Leor. Pastor.

(μ) Michael Coletus Pastor Dantiscan. & Ministerii ib. Senior.

(ν) M. Tobias Seilerus Pastor Leor.

(ξ) Martinus Seidemannus, M. Cass. Lindnerus & alii quam plurimi Theologi intra & extra Patriam floruerunt, quos omnes Orapypri brevis non capit.

Superstites.

(ο) Gottfridus Suevus J. U. D. Prof. in Acad. Witteb.

Casparus Suevus Med. D. Elect. Saxon. Archiater.

(π) Chrysostomus Schultz. JC. &c.

(ρ) Blasius Gleisberger Med. Pract. Wratisl.

(σ) Georgius Stiglitz Med. D. & Pract. Dantisci.

(τ) Johannes Hoppins M. D. & Profes. in Acad. Lips.


(υ) M. Balthasar Hartranfft Pastor Barbienf. in Saxon.

Johannes Mollerus Pastor Dirfaviens. in Borussia.

M. Christianus Hoppins, Patriæ quondam Minister, & alii, quorum Honori, quod hic omisi sunt, nihil demtum esto: quemadmodum neq. illorū, qui pro arbitrariâ Carminis lege eo, quo decebat, ordine à nobis non sunt collocati.

Ceterum hac passim ex Mnemosyne Leorinâ, sive Oratione de principis Leobergæ Ornamentis M. Cass. Suevi, & Descriptione Leobergæ exquisitâ M. SS. Chrysost. Schultzen JC. bona fide excepta sunt.

F I N I S.



Biblioteka Jagiellońska



stdr0009972

